


СЕПТЕМБ.
1928

Число 9.
Рочн. VIII.



ЗМѢСТЬ:

Схизматицъ спископи
Мѣсячное намѣреніе на
мѣсяцъ Сентсмбер.
Изъ исторіи церкви.
Изъ житія святыхъ.
Бесѣда.
Витай Крестъ дорогий.
Въ оборонѣ Вѣры.
Новости.

КНИГОПЕЧАТІЯ И ВЫДАВНИЦТВО ЧИНА СВ. ВАСИЛЯ В. ВЪ УЖГОРОДЪ
РЕДАКЦІЯ И АДМИНИСТРАЦІЯ ВЪ УЖГОРОДЪ, УЛИЦЯ РАКОВЦЯ Ч. 54.

**До нашихъ предплатниковъ, котръ не пла-
тять за „Благовѣстникъ“ словъ дасколько.**

**Люде добръ! Что вы собѣ думаете? Ци па-
перь мы достаеме задарь? Ци робота ничего
не стоитъ? Вамъ читати легко, але намъ печа-
тати тяжко. А якъ Вы не платите, то нась ро-
спука бере. Бо и удки взяти намъ грошей на
паперь и на роботниковъ? Вамъ 10 коронъ на
рокъ не тяжко заплатити, а намъ для столько
людей давати „Благовѣстникъ“ безъ грошей
не возможно. Кто не хочетъ платити за „Благо-
вѣстника, най нам напише, а мы не будеме ему
заганяти. Але кому „Благовѣстникъ“ любиться
— а онъ е найкрасшою и найтуньшою руською
новинкою — сей най заганяе, что намъ при-
ходить. Тожъ сповиѣть свою должностъ и то
сейчасъ, чтобы мы не были примушенъ упоми-
натися.**

БЛАГОВѢСТНИКЪ

ДУХОВНА ГАЗЕТА ДЛЯ ПОДКАРПАТ. РУСИНОВЪ

Редакція, адміністрація, експед.:
Выдавництво Чина св. Василія В.
въ Ужгородъ, Раковція ул. ч. 54.

Септемберъ
1928

Предплата на цѣльй рокъ 10 Кч.;
за границею 17 Кч.; до Америки
поль дол. — Одно число 1 Кч.

Число
9.

Выходить 1-го кождого мѣсяца
Отвѣчат. редакторъ: о. Емиліянъ Бокшай

Рочникъ
VIII.

Схизматицкъ епископы

посварилися на томъ, кому належить духовное управлениѧ на Подк. Руси надъ схизматицкими-одступниками. Воюють два направы: сербскій и ческій. На чолѣ сербского направлениѧ стоитъ Серафимъ, сербъ а на чолѣ другоѣ стороны Савватій „архіепископъ“, родомъ чехъ. Батюшки такожъ роздѣленъ, однѣ слушаютъ на Серафима, другѣ же Савватіеви повинуються.

Сербска сторона иде въ москофильскій напрямъ, а Савватовцѣ еще до теперь не указали явно, до котрого языкового направу придержуются. По нашимъ информаціямъ батюшки изъ большоѣ части стоять на сторонѣ Серафима, але зъ ними легко порадити и може статися, что зъ дня на день залишать Серафима, и пристануть до Савватія. Обѣ стороны мають свою газету: Серафимовцѣ читають „Православную Карпатску Русь“ (больше занимается политикою, як религією), что редактуе чужинецъ изъ Украины бывшій легіонарь, Всеволод Коломацкій, а Савватовцѣ въ Празѣ выдають газету „Помощь отъ Гда“. Изъ сего явно, что въ внутренномъ житю нашихъ схизматиковъ кипить постоянна война, котра зъ дня на день ослабляє ихъ силу въ нападѣ на греко-катол. Церковъ.

Насъ въ сей боробѣ передовсѣмъ то дивуе, что глядають туй сербы и якимъ правомъ замѣшаются въ церковное (хотя и схизматицкое) житя Русиновъ. Ци колись наше Подкарпаття належало до Сербіѣ, або е Сербія намъ сусѣдною державою, або сербы суть самого того рода славяне, якъ мы? Такимъ самимъ правомъ могли бы сюди послати своихъ епископовъ и Булгаре, або Румуне!

Что якимъ не природнымъ дѣломъ е сербска юрисдикція, то укаже и то, что уже девятый епископъ пробуе у насъ щастя, але безъ успѣха. Прійдuto, „организуютъ“, выдаютъ „пастырскія посланія“ кроплять батюшки, а потомъ щезнуть. Пойдуть назадъ до Сербіѣ, где лѣпша одна звычайна фара, якъ меже тутешними схизматиками епископскій престолъ. А туй залишать за собою множество необразованихъ батюшковъ, котрѣ лазать агитуючи по всѣхъ селахъ Подк. Руси и баламутять народъ. Се то все, что зостане изъ „дѣйствованія“ сербскихъ епископовъ на Подкарпатю.

Савватовцѣ — видно — не дѣйствують такимъ великимъ крикомъ. Савватій сидить въ Празѣ и всю надѣю полагае на то, что выиграе зъ номочію чеського правительства. Е осторожный въ языковомъ вопросѣ и не уживае фанатичныхъ средствъ въ борьбѣ противъ гр. катол. Церкви. Зато и не мае такихъ „успѣховъ“ як тамтотѣ.

А народъ? Неборакъ народъ слухае вождовъ своихъ и все лѣпше залѣзе въ довги и баламуты. Спокою не мае, душевного корму не достае одъ батюшковъ, культурно упадае и слѣпо лѣзе у свою душевну и материальну пропасть.

Мы изъ нашоѣ стороны паки и паки повторяєме, что для нашихъ схизматиковъ іншого выходу не е, якъ залишити спорячихся епископовъ и ними накропленыхъ батюшковъ и вернутися въ лоно Христовоѣ, католическої Церкви. Теперь уже можуть видѣти куда они забрыли зъ схизмою и зъ батюшками. Покрасѣти не можъ, але полѣпшатися можно. А залишати блудъ и вернутися на праву дорогу то не ганьба, але мужеское дѣло и дуже похвальное передъ Господомъ Богомъ.

Мѣсячное намѣреніе на Септемберъ.

Чтобы умираючъ переселился въ вѣчное житѣе въ Божій ласцѣ.

Найважнѣйша пора въ житю чоловѣка е година смерти. Тогда рѣшаєся доля чоловѣка на вседа. И тогды напружае и діяволь всѣ силы, чтобы позыскати душу усопшого для пекла. Але и Христосъ — кому найдорожша есть душа чоловѣка — богато стараєся про спасеніе умираючого. Три тайны: св. сповѣдь, св. причащеніе. св. елеопомазаніе подае св. Церковь умираючому, чтобы помагати ему въ найтяжшой порѣ житя и обезпечити ему спасеніе. Въ св. спо-

въди одпускаються грѣхи, въ св. причащенію достане напутіе на вѣчну дорогу, а св. елеопомазаніе укрѣпляє его душу противъ искушеній діавола.

А зато сколько много такихъ людей е, котрѣ не беруть по-важно сю важну пору житя своего, або ближнього. Боять ся прикли-кати священика, чтобы не настрашити хворого, А коли уже одважать-ся, тогды уже поздно е. Чтобы сему запобѣгти, заосновалися това-риства, котрѣ моляться зато, чтобы випросиги у Бога ласку на-верненя и оправданя для умираючихъ. Апостольство Молитвы же предпише, чтобы члены его черезъ цѣлый мѣсяць септемберъ при-лѣжно молилися, чтобы умираючѣ переселилися въ вѣчное житье въ Божій ласцѣ.

ИЗЪ ИСТОРИИ ЦЕРКВИ

Історія церковного соединенія Русиновъ.

5. Релігійна борьба.

По заключеню унії въ Берестѣ заразъ почалися сильнѣ напады схизматиковъ на гр.-католиковъ. Зтоваришилися они зъ протестан-тами и зъ ихъ посмочію кривдили на судахъ церковнѣ маєтки гр.-кат. Церкви и въ парламентѣ домагалися, чтобы нашъ епископы были усу-ненї изъ уряду и на мѣсто ихъ выименовали схизматиковъ. До борь-бы противъ гр. католиковъ приключилися и Братства, котрѣ стояли подъ вплывомъ могучого князя Острожского.

Греко католики въ сей борьбѣ не мали ніякої подпоры. Саме римо-кат. духовенство не подпоровало ихъ, и то изъ политичныхъ причинъ, чтобы русины черезъ своихъ епископовъ въ сенатѣ не мали вплыву въ управѣ державы. А король на столько слабый бывъ, что не смѣвъ явно стати на сторону гр. католиковъ и ихъ оброняти передъ нападами. И такъ гр.-католики опущенї одъ всякої туземної власти, опиралися на силу правды и на провидѣніе Божое.

И проведѣніе Боже не опустило ихъ. На чолѣ гр.-католиковъ поставило такихъ людій, якъ: Ипатій Потій, Іос. Веляминъ Рутскій митропол. кіевскій и архіеп. Полоцкій св. Іосафатъ Кунцевичъ.

По смерти И. Рагозы г. 1599 метрополитомъ Кіевскимъ ставъ Ипатій Потій. Въ первихъ рокахъ его дѣйствованя мавъ онъ тяж-ку борьбу зъ высланикомъ константинопольского патріярха, Никифо-ромъ, ктовъ борьбѣ противъ гр.-католиковъ розпочавъ переговоры на-вѣть зъ турками. За сё бывъ выповѣдженій изъ краю. Богато клопоту зробивъ ему и Острожскій, кто сильно домагався у короля, чтобы руськихъ епископовъ усунувъ изъ престола и выименовавъ схиз-матицкихъ; уъ сего смертю ослабли схизматики и значно утихли.

Потій сякъ освободившиися одъ найболшихъ вороговъ, розпочавъ запроваджувати реформы въ оборонѣ унії. Насампередъ запровадивъ порядокъ ѹв. монастыри св. Тройцѣ въ Вильнѣ и архимандритомъ мо-

настыря поставивъ Іос. Кунцевича. Потомъ порушавъ процесы за забранъ церкви схизматиками и удалось ему въ самомъ Вильнѣ выправити 10 церквей одъ схизматиковъ. За се розлюченѣ схизматики одного разу на улицѣ напали на него и тяжко поранили. Ип. Потій по 18-лѣтнимъ дѣйствованіемъ укрѣпивъ унію, упорядковавъ внутрѣшнѣ односини Церкви, обезпечивъ маетки церковнѣ и въ повномъ порядку передавъ управленя рускоѣ Церкви своему наслѣднику Велямину Рутскому.

Веляминъ Рутскій родився въ кальвинской вѣрѣ, потомъ ставъ греко-католикомъ и выховався въ Римѣ. За довгий часъ перебывавъ въ монастыри св. Тройцѣ въ Вильнѣ въедно зъ св. Іосафатомъ Кунцевичомъ. Якъ года 1614 ставъ метрополитомъ, продовжавъ працю Потія въ упорядкованю внутрѣшныхъ справъ Церкви. Въ монашескомъ житю запровадивъ одностайність и запровадивъ реформу чина св. Василія; для вихованя свѣтского духовенства заложивъ семинарію въ Минску и на сію цѣль даровавъ 10,000 золотыхъ. Симъ выховавъ ревныхъ оборонительовъ для борьбы за св. соединеніе. Архіепископомъ до Полоцка выименовавъ св. Іосафата Кунцевича.

Борьба и то довольно тяжка у короткій часъ розпочалася. Въ томъ часѣ на чолѣ українскаго козацтва стоявъ гетьманъ Конашевичъ-Сагайдачный. Онъ перебравъ ролю Острожскаго и ставши на оборону схизматиковъ закликавъ до краю Іерусалимскаго патріярха Теофана. Козаки принимали зъ великимъ торжествомъ и славили его, якъ спасителя „православія“. Теофанъ на пораду гетьмана усунувъ изъ метрополичого престола Рутскаго и всѣхъ гр.-кат. епископовъ и выименовавъ схизматиковъ. Сагайдачный зnavъ поколебати и короля, бо пообѣцявъ ему, что зъ своими козаками (60,000 людей) поможетъ ему въ войнѣ противъ турковъ, если потвердить схизматицкихъ епископовъ. Король дѣло предложивъ соймови, где на жаль гр.-католики не мали жадныхъ заступниковъ.

Въ симъ тяжкомъ положеню Рутский особисто пойшовъ до короля просити о дозволѣ участвовать въ засѣданю сойма. На соймѣ уже вытвореное было такое мнѣніе, что треба уступити пожаданю Теофана и потвердити схизматицкихъ епископовъ. Тогда вставъ метрополитъ Рутский и могучими словами зображенавъ велику корыстъ унії для народа и зъ горемъ сердца оповѣдавъ дикій фанатизмъ и тероръ схизматиковъ. Король зворушеный словами Рутскаго вставъ и заявивъ, что скорше готовъ свою царьскую корону зложити, якъ позволити на сю кривду гр. катол. Церкви. На се соймъ надъ вопросомъ потвердженя схизм. епископовъ перейшовъ на денный порядокъ.

Але симъ небезпека схизмы еще не была одложена. Схизматицкѣ епископы мимо потвердженя короля выконали свою власть, бунтовали народъ противъ унії, козаки стали на оборону схизматиковъ, бурили церкви гр. католицкѣ и поубивали вѣрныхъ гр. катол. вѣрниковъ. Монахи Василіяне чтобы не стати схизматиками задумали перейти на латинскій обрядъ, такъ что Римъ окреме мусѣвъ се заборонити имъ. Подъ натискомъ козаковъ цѣлѣ провинціи и города одступали одъ унії, такъ что уже и Римъ бывъ тоѣ думки, что

дѣло св. соединенія на Руси цѣлкомъ упало. При унії зостало не великое число населенія, одна часть духовенства и епископы на чолѣ зъ Рутскимъ. Въ сей крайной потребѣ Боже провидѣніе послало своимъ вѣрникамъ чоловѣка, кто своею кровію орошивъ землю переселованныхъ гр. католиковъ, и одѣ крови сего мученика св. унія розцвила зновъ и принесла богато плодовъ. Сей мученикъ бывъ св. Іосафатъ Кунцевичъ, архіепископъ Полоцкій.

ИЗЪ ЖИТИЯ СВЯТЫХЪ

Заступникъ на мѣсяць сентябрь:

Свята Первомучениця и Равноапостолна Текла.

Св. Текла была доњкою богатыхъ и вызначныхъ родителей поганскихъ въ мѣстѣ Иконіѣ. Одзначалася она незвычайною красотою тѣла, а притомъ глубокими науками и красноюрѣчивостію, такъ что незнati было что треба у неѣ больше подивляти, ци велику мудрость ци еще больше дѣвочу встыдливость и скромность. Коли скончила 18-ый рокъ своего жытia, отецъ заручивъ еѣ зъ Фамиромъ краснымъ молодцемъ, котрого родина причислялася до найбогатшихъ и найзнаменитшихъ въ городѣ.

Коли около р. 47 по Рожд. Хр. прийшли св. апостолы Павель и Варнава до Иконіѣ чтобы тутъ проповѣдати слово Божое, Текла найшла отже способность слухати часто поученій св. апостола Павла и розмовляти зъ нимъ, а перенявшися его науками приняла св. крещеніе и стала ревною христіянкою. Рѣшивши посвятитися на службу Господу Богу, обѣтовала доживотну чистоту и о томъ своемъ постановленю заявивши родителямъ и наречному, примѣтила, что поки жити буде, не выйде замужъ за никого. Коли не помогли ніякъ лагодиѣ напоминаня приступлено до насилий. Мати замкнувшi еѣ до темної коморки, била и мучила голодомъ, а Фамиръ обжаловавъ св. Павла передъ судією что онъ обаламучуе людей, и той казавъ св. апостоли замкнутi въ темницю. Св. Текла довѣдавши о томъ, подкунила сторожу и стала посѣщати св. Павла, чтобы еѣ дальше учить іѣры Христовоѣ и укрѣплявъ еѣ духа молитвою до тыхъ мукъ котрѣ еѣ повно не минутъ. Скоро мати, смотрячи за Теклою, довѣдалася, что она посѣщае въ темницѣ св. Павла, дала знати начальники мѣсти, котрый переконавшися, что на св. Павлѣ кромѣ провиниы что учить іѣры Христовоѣ, больше ничего не тымить переступного, прикингi выпустити его изъ вязницѣ и выдалити изъ мѣста, а Теклу стаигь упоминати, чтобы повиновалася приказови родичовъ, бо инакше буде смртю укарана.

И прикингi еѣ мучити. А коли перконався что и муками не зломить еѣ силної полѣ, а притомъ видячи, что при мукахъ дѣютъся такъ чуда, котрѣ онъ не могуши поняти своимъ розумомъ,

назвавъ чарами, а которыхъ боячися приказавъ пустити еѣ на волю. Св. Текла не повернула уже до родинного дому, но довѣдавшия, куда пошли прогнанѣ апостолы, одшукала ихъ въ одной пещерѣ и зъ ними разомъ пустилася въ дорогу, проповѣдаючи такожъ слово Божое. Такъ зайдла она зъ св. Павломъ и Варнавою, ажъ до мѣста Антіохіи. Тутъ сподобавъ собѣ начальникъ мѣста святу и невинну дѣвицу и хотѣвъ зъ нею оженитися. А коли она ему заявила что не лишь за него, но взагалѣ за никого не вийде замужъ, розсердився тымъ такъ, что приказавъ мучити св. Теклу, однако по довшихъ и безуспѣшныхъ мукахъ пустивъ еѣ на волю.

Попрощаися зъ апостолами, котрѣ одойшли въ другѣ краї проповѣдовати слово Божое, Текла удалася въ пустыню и постановила тутъ до смерти служити Господу. Надѣлена одѣ Бога даромъ творити чуда, зеднала собѣ вскорѣ у сусѣднихъ людей таку славу, что до неї приходили не лишь вѣрнѣ, но и язычники зъ просьбою о пораду.

Зъ великою охотою помогала св. Текля всѣмъ что до неї удавалися, а при томъ проповѣдаючи божественну науку Іисуса Христа, навернула около 4000 душъ до вѣры Христової. Находившия въ глубокой старости числила уже тогды около 90 лѣтъ и надѣючись скороѣ смерти, отправилася до мѣста Селевкії, де еще якійсь часъ проповѣдала слово Божое и потомъ тамъ упокоилася.

Гробъ св. Теклы уже скоро по еї смерти ставъ мѣстомъ, где собиралися вѣрнѣ на молитву изъ усѣхъ сторонъ тымъ больше, что при еї мощахъ дѣялися численнѣ чудеснѣ уздоровленя. Мощъ сеѧ Святоѣ суть въ многихъ мѣстахъ. И такъ: голова хоронится въ катедральной церкви въ Медиоланѣ, котру то церковь, цѣлу изъ бѣлого мрамора побудовано 1386 р. и присвячено памяти св. Теклы; руку еї завезъ до Іспанії 1320 р. король Арагоній Яковъ II. до мѣста Барселоны а потомъ торжественно перенесено до мѣста Таратаона.

Св. Церковь называє св. Теклу „первомученицею и равноапостольною“; первомученицею называється она для того, бо была первою изъ женщинъ, кто перетерпѣла тяжкѣ муки за вѣру Христову; равноапостольною изъ той причины, бо проповѣдала слово Божое разомъ зъ апостолами.

БЕСѢДА

Печать сповѣди.

На далекій свѣтъ звѣстнѣ были баконьскѣ розбойники. Въ густомъ лѣсѣ Баконя мали свое гнѣздо и жандары мимо всякихъ усилий не могли достатися до нихъ, такъ добрѣ сковалися. Туй въ глубинѣ темного лѣса мали свої склони, туй зобралися, коли вертали-

ся зъ своихъ екскурзій и подѣлилися надъ ограбленными скарбами. Выкопали собѣ пещеру подъ землею и дуже уважали, чтобы никто не достався, где они прятаются. И кто бы якось дознався про ихъ скрытое мѣсто, того немилосердно стратили.

Одного разу жандары зловили одного изъ розбойниковъ. Переслуховали, мучили такъ, что признался где и въ якихъ убийствахъ и грабежахъ участвовалъ. Лишь одного не хотѣвъ зрадити, что де мають гнѣздо розбойники. Осудили на смерть. Розбойникъ покаявшись, запросивъ до себе священика и сокрушеннымъ сердцемъ высловѣдався.

Другъ розбойники въ Баконѣ про се точно довѣдалися. И то знали, что ихъ товаришъ высловѣдався и въ своимъ невѣжествѣ думали, что розбойникъ зрадивъ священикови и то мѣсто, где они перебывають. Одъ того часу были въ великомъ страху. Священикъ мѣсто скаже и другимъ, прийдутъ жандары и всѣхъ ихъ поймаютъ. Чтобы се не сталося выдали розказъ: за всяку цѣну зловити священика и принести въ лѣсъ.

Се не была тяжка задача. Священикъ у короткій часъ уже тамъ стоявъ передъ розбойниками, зо звязаными руками. Поставили его передъ розбойницкій судъ, девять розбойниковъ подняло оружіе и почали переслуховати. Подъ угрозою смерти жадали одъ него выявити, что ему розбойникъ казавъ въ сповѣди и головно ци зрадивъ ему ихъ тайное мѣсто.

Священикъ мовчавъ. Знавъ, что его повинность мовчати, навѣть коли за се мае заплатити своимъ житѣмъ. Вѣра христіянска не знає ни одної причины, котра бы увольнила священика розорвати печать сповѣди.

Розбойники подоймуть оружіе, пару минутъ и девять куль перебютъ груди священика, бо не хотѣвъ зрадити тайну сповѣди.

Начальникъ розбойниковъ еще разъ поставить вопросъ:

— Говори, бо застрѣлимъ тя!

Священикъ не може ничего сказати. Не може ногами потоптати выраженный законъ Божій.

Начальникъ закричить:

— Розсрѣль!

Священикъ тихо молиться.

Въ сей минутѣ загойкне начальникъ:

— Не стрѣляйте! И приступить до священика и каже:

— Отче духовный! Вы доказали, что знаете мовчати. И мы переконалися, что вы скорше готовъ перетерпѣти смерть, якъ найменшое зрадити изъ тайны сповѣди. Знаеме, если вы не выявили ничего передъ оружіями девять розбойниковъ, не зрадите и передъ сто судіями.

Хлопцѣ, на конѣ! Несѣть отця духовного до дому!

Розбоники кругомъ обстали священика и глубоко знявши клебаны покланялися:

Слава Іисусу Христу!

И въ ихъ душахъ затремтѣла думка могуча, передъ ними непонятна, свята почать сповѣди.

о. Ник. Мондій.



В и т а й К р е с т е д о р о г и й .

Витай Кресте дорогий,
На котромъ Спаситель мой,
Бывъ роспятый и умеръ,
Чтобъ спасти всѣхъ людей.

Подъ тобою тричи впавъ,
Якъ на Голгоѳу ишовъ,
Однакъ тебе не кидавъ
Лишъ поднесся и бравъ зновъ.

О чому, Кресте святый,
Такъ не люблю я тебе?!
Только люблю свѣтъ, выгоды,
А ще больше самъ себе.

Много разъ у своеимъ житю
Я тебе, Кресте, стрѣчавъ,
О якъ мало разъ тебе
Зъ охотою принимавъ.

Одъ сегодня, Кресте мой,
Беру тебе на рамя
И пойду вслѣдъ за Іисусомъ
А Онъ не опустить мя.



Клерикъ.

Полковникъ Шнидеманъ подчасъ войны ставъ головнымъ коман-дантомъ тиролскихъ стрѣльцовъ. Груди его украшенѣ были цѣлымъ рядомъ одзнакъ; бывъ властителемъ Signum laudis-a, ордена Марії Терезії и всю надѣю мавъ, что чѣсаръ у короткій часъ выименуе его генераломъ. И полковникъ дѣйстно заслуживъ на се выименования. Точный, совѣтный, хоробрый воякъ бывъ, кто готовъ бывъ въ кож-дой минутѣ жертвовати свое житя за отчину. Вояки надмѣрно любили его, а офицеры дивилися на него, якъ на взорцевого достойника.

Свѣтова война скончилася загальнymъ переворотомъ. Вояки на фронтѣ не мали терпеливости дальше войовати, а за фронтомъ уже почалася агитація червеныхъ комунистовъ розбити давній ладъ и заосновати свое панованя. Вояки на фронтѣ подъ вплывомъ повто-рителныхъ поражень одкинули одъ себе оружія, оставили мѣста свої и массово утѣкали въ задъ, до дому.

Полковникъ все можливое здѣлавъ, чтобы задержати своихъ вояковъ, але даремно. На конці самъ одинъ зостався на фронтѣ. Что мавъ робити? И полковникъ пустився за вояками, бо іншакъ бы бы-ли и его имили.

Вже въ першомъ городѣ перстали ему дорогу два сирохманы и закричали на него, чтобы зорвавъ одзнаки военскѣ и звѣзды зъ наший-ника. Полковникъ розсердився, вхопивъ свой ремѣнний батухъ, на что молодяки утѣкли.

Неудовго стрѣнувся зъ узброенными вояками. Сѣ уже грубо напали на него и въ имени „совѣта“ пожадали одъ него знимати дав-нѣ цѣсарскѣ одзнаки:

Начто то вамъ товарише; не е короля, начто носите его имя на шапцѣ. Пришийте сю червену ленту, сей знакъ побѣды револуціѣ и пролетаризма.

Въ головѣ полковника почало чось яснѣти; не е короля, не е войска; онъ уже не полковникъ, онъ уже никому не розказуе. И зор-вавши отзнаки передавъ ихъ воякамъ.

Ся подѣя зруйновала его внутрѣшний свѣтъ. Онъ думавъ, что принимати будуть его зъ великою славою, что одержить нагороду за совѣтное сповнення обовязковъ своихъ, а мѣсто сего доставъ червену ленточку. Вся слава его знищилася, не е короля, не е войска, не е одзнакъ, все замела револуція... Кому онъ буде служити посему?

Супротивъ него ишли клерики. Мовчаливѣ, поважнѣ, въ темныхъ реверендрахъ; не гойкаютъ, якъ комунисты, не носять червену паску, такъ якъ были все, левиты найвишшого Царя Христа. Они не утра-тили ничего, ихъ Царь Христосъ жие, ихъ держава не може пропас-ти, бо не е изъ сего свѣта. Ихъ нагорода не може зостати, ихъ слава не минає, имъ не треба боятися ни часу, ни насилия, ни житя, ни смерти.

И полковникъ Шнидеманъ, кто утративъ славу сего свѣта роз-думуючи ишовъ дале.

* * *

У пару дній полковникъ появився у епископа и просивъ о при-нятіє въ духовну семинарію.

о. Ник. Мондай.

Честуй отця твоего и матерь твою.

(Намѣреніе для членовъ Тов. св. Креста на мѣсяцъ септемберъ.)

Товариство св. Креста е организація хр. школноѣ молодежи. Статуты и цѣль сего, товариства были помѣщенѣ въ послѣдномъ числѣ Душпастыря. Члены мають на каждый мѣсяцъ призначеное намѣреніе, або якусь чесноту въ чомъ мають упражнятися. Доки нашѣ дѣти не будуть мати своеѣ газеточки, доти въ Благовѣстнику будуть поясненѣ мѣсячнѣ намѣренія.

Одного разу въ Китаю имила и арестовала поліція чоловѣка про якусь политичну провину. Нещастный бывъ осужденый на то, что обѣ руки одрѣзати ему. Дня виконаня засуду приступила донька осужденого до царя и каже:

— Великий царю, я признаю, что мой отець по твоимъ законамъ мусить утратити свої руки. Але дивися (и туй подняла свої руки,) приими мѣсто его рукъ, мої и лиши отцеви его руки, чтобы могли працовати и удержати моего дѣда, моихъ братовъ и сестеръ и мене саму.

Царь бывъ сею любовію на только зворушеный, что змиловався надъ отцемъ дѣвчати и добру дѣвку богато нагородивъ.

Ся дѣвка была поганка, яка ничего не знала про прекрасну науку Іисуса Христа. Однакожъ можеме представити, якъ взорцевый образъ любви къ родичамъ. Нынѣшними часами суть дѣти, хлопцѣ и дѣвчата, котрѣ ничего не творяться зъ своими родичами, навѣть ихъ высмѣваютъ и ихъ понижаютъ. Добра дѣтина має одплачовати своимъ родичамъ за все то, что они имъ дали. Будьте имъ благодарнѣ и глядайте ихъ дяку. Слухайте ихъ порады, бо они вамъ изъ меже всѣхъ людей найлѣпшое хотятъ; ваше щастя, то и имъ щастя. О якѣ щастливѣ тѣ родичѣ, котрѣ видять, что ихъ дѣтямъ добрѣ ведеся. И сколько журяться, коли якесь нещастя застигне ихъ дѣтей. Николи не забудьте слова св. Писанія: „Чти отца твого и матерь твою, да благо ти будеть и долголѣтенъ будешъ на земли“

Передъ роками прійшовъ назадъ изъ Америки чоловѣкъ, кто передъ 23-ми роками переселився изъ старого краю. Онъ обкравъ родичовъ своихъ и зъ тими грошми такъ щастливо обходився, что у короткій часъ ставъ богатымъ чоловѣкомъ. Але саме богатство не дає чоловѣкови внутрѣшнаго вдоволеня, бо совѣсть постоянно грызла его. Изъ дня на день росло въ немъ желаніе видѣти своихъ родичовъ и нагородити имъ здѣлану шкоду. Коли повернувся назадъ, знакомѣ розказали, что родичѣ его уже давно померли и то въ великой бѣднотѣ. Оденъ старый чоловѣкъ указавъ ему гробъ, где лежать его родичѣ. Коли сынъ увидѣвъ пустѣ гробы родичовъ, напавъ на него горькій жаль, почавъ волося рвати, вергся на землю и проливавъ жалостнѣ слезы. Дармо утѣшали его жона и дѣти. Ся сцена повторялася и при гробѣ умершоѣ матери.

— Мати, мати, моя грубо окламана мати! Другій день богато украсивъ залишений гробъ родичовъ и роздававъ бѣднымъ много гро-

шай, чтобы спокутовати свой тяжкій грѣхъ супротивъ родичовъ.

Щастлива та дѣтина, котра мае такое сердце, что такими слезами хоче змыти свою грубу неблагодарность къ своимъ родичамъ. Але безконечно щастливѣйша та дѣтина, котра по заповѣдямъ Божимъ постоянно любила и честовала родичовъ. Зато, дѣтино моя будь все послушна, чемна и благодарна къ твоимъ родичамъ, которѣ такъ люблять тя и тяжко журяться за тебе. Головно же сего мѣсяця уважай на себе, чтобы найменшою провиною не переступить четвертоѣ Божої заповѣды и молися каждый день: „Господи Іисусе Христе, дай, чтобы я честовавъ, любивъ и послушный бывъ къ моимъ милымъ родичамъ“.

Як комунисты мордують людей? На дняхъ утѣкъ изъ комунистичної Россіѣ бывшій офицеръ Ф. Григоріевъ, кто за два роки сидѣвъ въ темницѣ въ Минску, подъ подозрѣніемъ шпіонажа. Своѣ враждія подавъ въ російской газетѣ „Руль“, изъ котрої перебереме слѣдуючѣ достовѣрнѣ факты.

Про голодъ и грязь (паскудь), что пануе въ темницяхъ минскому „чрезвычайки“ нѣчто и говорити. Въ комнатахъ призначенихъ для 30 особъ, запхано около 150 мужчинъ и жѣнокъ разомъ. Арестанты передъ выслуханіемъ поддаются тортурамъ (мученіямъ), чтобы „признавалися.“ Черезъ засудженого перепускаютъ електричній токъ зъ все зростаючою силою, здавлюють палцѣ, чтобы засудженый признався до такихъ рѣчей, про якѣ онъ першій разъ чуе въ житю. Але майстрашнѣ муки причиняє т. зв. „пробный розстрѣлъ“. Одбывається такъ: передъ пробнымъ розстрѣломъ даютъ нещастному мученикови сколько дней на роздумовання. Потомъ прииде „чорный воронъ“ се авто (моторъ), на котромъ везуть осужденыхъ на розстрѣлъ. Вязни зъ звязаными руками выведуть изъ вязницѣ, укажуть ему труну (домовину) забрызганну кровію, посадять въ „чорный воронъ“ та повезуть подъ лѣсокъ коло города. Тамъ чекає уже его выкопана яма и стоить воякъ зъ пушкою. Нещастному еще разъ скажуть чтобы „признався“ и сказавъ своихъ товаришовъ. У сколько минутъ нещастный розстрѣленый на смерть.

Сякимъ способомъ безъ жадного суду розстрѣлюють комунисты богато людей. А се все въ имени ровности и свободы. Всѣ тѣ котрѣ голосують на комунистичну партію, або якъ у насть кажуть на худобну партію, най знають яка судьба чекає на нихъ если и у насъ запанують комунисты.

ВЪ ОБОРОНѢ ВѢРЫ

Баптисты. Вѣра баптистовъ не е одъ Христа, але одъ одного англичанина им. Шмидта. Она не была одъ початку, але повстала

лише г. 1640 по Христѣ. И так ся вѣра не е правдива але еретична.

Головнѣ блуды баптистовъ: 1.) Баптисты кажуть, что Богъ кождого чоловѣка, якъ прійшовъ на свѣтъ уже осудивъ на царство небесное або на пекло. Глупость сего твердженя выявляется изъ того, что если се такъ есть, начто тогда молитися, провадити честное житя, коли наша позагробна доля уже вырѣшена. На основѣ сеѧ науки кождый разбойникъ може зайти въ царство небесное безъ покаянія, и святъ, хоть якъ усилюются побожно жити, достанутъся на вѣчну муку пекла.

2. Баптисты твердять, что у нихъ кождый вѣрникъ мае право толковати св. Письмо. Се такое мудре дѣло, что у самыхъ баптистовъ повстало не менше якъ 10 сектъ, котрѣ всѣ то твердять, что они толкують правильно св. Письмо.

З Баптисты одкинули одъ себе крещеніе дѣтей. А что буде зъ тыми дѣтьми, котрѣ умрутъ безъ крещенія? За тыхъ Христосъ не страдавъ и не умеръ?! Видъ мы всѣ знаеме, что наибольшое число умершихъ збирається якъ разъ и зъ помеже дѣтей. Стародавний хр. писатель на Востоцѣ, Оригенъ каже, что „Церковь одъ апостоловъ перебрала крещеніе дѣтей“. Ачай апостолы лѣпше знали что свободно и что нѣтъ, якъ нашѣ баптисты. ?!

4. Баптисты не честують св. креста, не перекрещуються, не честують Пр. Дѣву Марію и святыхъ и ихъ образовъ. Всѣ сесѣ дѣла суть доказами того, что они далеко одпали одъ Христа и одъ Его св. науки и для насъ мае быти довольно важною причиною, чтобы одъ нихъ и одъ ихъ блуда вароватися.

Баптисты знаютъ смачно говорити и симъ обманьовати людей, слабоѣ вѣры. Але краснѣ слова, то еще не правда! Правда и истинна находится въ науцѣ Христа, котру одинственно учить и проповѣдує св. мати Церковь, хр. католическа. А баптизмъ е и зостане ересею и обманомъ для людей легковѣрныхъ.

НОВОСТИ

Мукачевскій отпustъ. Мукачевскѣ отпусты въ монастыри ОО Василіянъ на Чернечой горѣ суть славными и торжественными кождого року. Головно одъ коли одорвана одъ насъ Марія Повчъ, громадяться люде на сіе мѣсто изъ всѣхъ сторонъ Подк. Руси въ огромномъ числѣ. Въ семъ мають велику заслугу и отцы Василіяне, котрѣ запровадили при отпушахъ новый порядокъ и стараются на то, чтобы народъ все то получивъ, что пожадають его душевнѣ потребы.

Однакожъ сегорочный отпustъ въ Мукачевѣ перевысшивъ всѣ дотеперѣшнѣ отпусты своимъ огромнымъ розмѣромъ и особами на немъ появившимися мас и историчное значеніе въ житю нашоѣ Подк. Руси. Николи еще нашъ монастырь не видѣвъ такихъ высокихъ гостей, якъ метрополитъ львовскій графъ Андрей Шептицкій, имя кот-

рого е золтыми буквами записано въ сердцахъ всѣхъ русиновъ подъ и за Карпатами; изъ далекоѣ Канады прибывъ до насъ епископъ канадийскихъ русиновъ Никита Будка, чтобы участь брати на порадѣ епископовъ и познакомитися зъ нашими людьми; изъ Югославіѣ прийшовъ епископъ Нярадій, кого нашъ народъ такъ добре познае, якъ помочника въ нашей религійной борьбѣ зъ схизматиками. Прибывъ на отпустъ и нашъ любимый епископъ Петръ, кто николи не пропускае прійти на успенскій мукачевскій отпустъ, чтобы видѣти побожность народа и зъ нимъ въедно молитися для блага подк. руського народа. Три епископы, одинъ метрополитъ — се еще николи не было въ Мукчевскомъ монастыри одъ онъ коли стоить.

Великою почестю было для насъ русиновъ пребытіе моравскихъ паломниковъ, котрѣ прийшли подъ вedeniemъ олумоцкого прелата графа (Ледоховскаго,) кто прийшовъ въ имени архиепископа Пречана и сенатора Hurbana.

Нашѣ люде зъ великимъ дивованьемъ позирали на моравскихъ паломниковъ, котрѣ подобно, якъ нашѣ, Марійскѣ пѣснѣ спѣваючи вступили въ церковъ и одправляли свой молебенъ. Симъ дали посвѣдченя, что чувствуютъ зъ нами въедно и сама та вѣра кипить въ ихъ седцахъ, яка одушевляе и насъ.

По приблизному почисленю 50,000 людей брало участъ на отпустъ. Е се такое число, якого до теперь еще не было въ Мукачевѣ. Восемдесять священиковъ сповѣдало сю велику товпу народа одъ зорѣ до поздноѣ ночи. Число сповѣдниковъ и причастниковъ было выше десяти тысячъ (точно 10.434.)

Осередкомъ праздника была св. велика служба, что служили три архіереї: Канадійскій, Крижевацький и Мукачевскій зъ великою ассистенцією. На св. службѣ св. проповѣди держали такожъ архіереї: Митрополитъ Андрей, еп. Діонізій и по обходѣ еп. Будка. Народъ зъ великою увагою слухавъ ихъ слова архіерейскѣ и глубоко заскѣпивъ свое сердце; святитель Церкви головно про св. вѣру говорили, на что вороги изъ всѣхъ сторонъ такою діяволскою ненавистю нападаютъ! Певиѣ есме, что слова сихъ великихъ достойниковъ Церкви не будуть голосами въ пустыни, але принесуть обильный плодъ въ духовномъ житю нашего народа. По службѣ Божої бывъ обходъ, въ которомъ участъ брали преосвященнѣ, все духовенство, процесіѣ зъ заставами (480) зъ образами и зъ крестами, музикальное товариство Чинадієвское и рел. товариства. На обходѣ была презентована и організація „Пластъ“ Подк. Руси, делегаты (зъ Праги, Ужгороду и Мукачеви) стояли почестну сторожу протягомъ цѣлого богослуженя. Прекрасныи порядокъ на обходѣ хвалить працю и oddанность о. игумена Булика, кто якъ и до сихъ поръ, такъ и сего року указався перворяднимъ организаторомъ отпустовъ. Его заслуга, что мимо такого великого числа паломниковъ ни найменшого непорядку не было на одиустѣ.

По одиустѣ было привѣствованя епископовъ изъ стороны духовенства, что въ рамцѣ прекрасноѣ бесѣды wykonавъ о. Ант. Фан-

ковичъ намѣстникъ. Головно теплыми словами привѣтствовавъ Андрея митрополита и графа Ледоховскаго прелата Оломуцкого. Зъ великою увагою слухали бесѣду митрополита, кто давъ великъ перспективы св. дѣла соедине нія и призначивъ задачу нашего народа и духовенства въ семъ св. дѣлѣ. Всѣ присутнѣ зъ очарованіемъ слухали прекрасныхъ словъ митрополита.

Богато можно бы еще писати про сей красный день Мукачевскаго отпуста. Бывъ онъ потверженіемъ нашоѣ отцевскоѣ вѣры, пораженіемъ еретиковъ-схизматиковъ, (котрѣ таکожъ въ великомъ числѣ тамъ были) и душевною радостію всѣхъ присутныхъ. Дай Господи Боже нашимъ архіереямъ долгоденствіе, крѣпость и здоровля, чтобы еще довго могли управляти нашимъ народомъ; подержи и укрѣпи нашъ чинъ св. Василія, чтобы могли успѣшно дѣйствовать въ виноградѣ Божомъ на Подкарпатю; и дай, чтобы нашъ народъ руській зоставъ вѣрнымъ до Церкви твоего Сына и непоколебимо постоявъ подъ ударами вороговъ, еретиковъ-схизматиковъ.

Протестъ. Епископъ Сербскій Серафимъ въ своемъ „пастырскомъ“ листѣ вѣрниковъ своихъ постоянно „православными“ называє. Пригадуемъ почтенному епископови, что державное правительство еще передъ годами видало разпоряженіе, въ смыслѣ котрого они мають называтися грековосточными, а николи православными. Православнѣ были они доти, доки подъ веденіемъ гордого Фотія и честолюбивого Керуларія не одступили одъ Христовоѣ Церкви. Одъ того часу уть они одступники або по гречески схизматики.

Почули мы и то, что батюшки выходили у тутешныхъ школьныхъ властей то, что въ народныхъ школахъ могутъ учiti религію. Звертаємъ увагу Школьного Оддѣла на то, что меже батюшками суть и такѣ котрѣ ніякоѣ школы не кончили. Якъ могутъ сѣ допускатися до нашихъ школъ? Тре-буемъ, чтобы Шкл. Оддѣль пожадавъ одъ батюшковъ найменше столько образованности, сколько мають народнѣ учитель и то 4 середнѣ школы и 4 высшѣ, фаховоѣ науки. Се пожадає наша народна честь, бо мы не хочеме чтобы въ нашихъ школахъ такѣ „наставляли“ молодежъ руську, котрѣ еще самъ мають богато учитися.

Епископска конференція въ Ужгородѣ одбылася 17-18-го авгуستа, котра являєся продовженiemъ нарады епископовъ минувшого рока въ Львовѣ. Присутнѣ были митрополитъ Львовскій графъ Андрей Шептицткій, еп. Діон. Нярадій крижевацкій еп. Ник. Будка канадійскій еп., Павель Гайдич пряшевскій, и Петро Гебей мукачевскій епископъ. Головною темою епископ-

скоѣ нарады было завести однобразность въ правѣ и церк. житю гр.-кат. Церкви.

Посвященіе клириковъ. Дня 26-го августи Преосв. епископъ Петръ рукоположивъ восемъ клериковъ (богослововъ) нашоѣ епархіѣ. Сѣ суть: Петро Вакко, Викт. Калинякъ, Мих. Полякъ, Юрій Кадаръ, Пав. Комперъ, Ник. Сабовъ, Гавр. Марковичъ и Андрей

Гейце. Посвященіе одбылося дуже торжественно въ катедральномъ храмѣ въ присутности численного народа.

Упокоився. Иванъ Куклишакъ богословъ нашоѣ епархіѣ дня 25-го августи въ городской больницѣ послѣ короткоѣ хвороты тифа померъ. Покойный бывъ сыномъ простыхъ людей изъ Корумлѣ и докончивъ першій рокъ богословія въ Празѣ. Смерть его е болестною утратою для матери вдовицѣ, але такожъ и для нашоѣ епархіѣ. На похоронѣ прекрасну пращальну рѣчъ державъ о. Ал. Хира спиритуаль ужгор. богословскоѣ семенаріѣ.

Замкнення церквей Комунисты на території України рѣшили замкнути 34 церкви, чо е початокъ борьбы комунистовъ противъ вѣры Христової. А у насъ дурять людей, что они до вѣры не мѣшаются!

Оставили схизму. На Волинѣ (въ Польши) руськое село Жабче въ пов. Луцькомъ перейшло на гр. католицьку вѣру. Число вѣрниковъ 1,000, а парохомъ есть о. Петр. Рудницкій.

Въ Мексику бывъ застрѣленый президентъ Обрегонъ. Непріятель католиковъ въ газетахъ спѣшили розголосовати, что убийство зроблено изъ религійного фанатизму и что у убийника нашли рожанець. Але у короткій часъ довѣдалися, что убийникъ не бывъ католикомъ и свой злочинъ виконали изъ политичныхъ причинъ. Хр.-католики, якъ за часоиъ Іеропіл, такъ и теперь терплять спокойно и николи не допускаються до убийства.

Помощь отъ Господа, газета Савватонцію далише продовжує споѣ напады на Серафима

и его приверженцовъ. На Виталія (дѣйствує на Словаччинѣ) цитує съ слова св. Писанія: „Ибо такіи люди служать не Господу нашему Іисусу Христу, а своему череву и ласкательствомъ и краснорѣчиемъ ополчають сердца простодушныхъ“ (Рим. 16, 17. 18). Се суть дуже краснѣ слова на одного „архимандрита“. Гратулуемъ схизматикамъ до такого душпаstryя! Серафима же обвиняе что „онъ не може туй считатися каноничнымъ епископамъ, бо самъ не подержавъ не то, что церковныхъ законовъ але навѣть заповѣди Христа переступае“.

Читайте, читайте дорогѣ братя схизматики сю газеточку; изъ неї познаете своихъ вождовъ, и ту баламуту, до котрої завели они васъ.

Короткѣ вѣсти. Въ Львовѣ, Станиславовѣ и въ Перемышлѣ одъ 2-16-го юлія держали реколикціѣ для середошкольної молодежи. Всѣхъ участниковъ было: 300. — Римскій отець даровавъ для голодуючихъ въ Китаю 400.000 лиръ, что выносить о. 700.000 кч. — Чинъ Доминика новъ числить 3 кардиналовъ, 27 епископовъ, 3.133 монаховъ-священиковъ, 1096 клериковъ, 1015 братовъ, 469 новиковъ, разомъ 5743 членовъ. — Англійскій парламентъ принялъ законъ, по которому Великденъ постоянно другоѣ недѣлѣ мѣсяця апрѣля будуть святковати. Сей законъ мае еще потвердити король. — Минувшого рока переложили св. Писаніе на новыхъ 14 языковъ. Симъ св. Писаніе е переложено на 605 языковъ. — Католики въ епархії Балтиморской (Америка) зобрали на католицкѣ школы 15

миліоновъ долларовъ, что выносить въ нашихъ грошахъ 585 миллионовъ коронъ. А у насъ народъ оставить гинути и тѣ школы, что має. — Подчасъ всесвѣтної войны мобилизовано было 67 миллионовъ вояковъ; изъ нихъ упало: 9,263.000, поранено: 17,053.000. Господи, сохрани насъ одѣ великого нещастя войны!

Въ Мексику поліція арестовала католицкого священика и 50 вѣрниковъ, бо высльдила, что въ приватномъ домѣ поставили престолъ и зойшлися тамъ на Богослуженія. Така то свобода вѣры, где безбожники мають въ рукахъ управу державы.

Навернення протестанского пастыря. Въ Станиславовѣ одѣ якогось часу дѣйствує Федоръ Сташинскій, якъ священикъ (пастырь) реформатскій (кальвинскій.) Сими днями заславъ письмо до епископа, въ которомъ заявляе, что оставить ересъ и вступить въ лоно каѳол. Церкви. Въ своей заявѣ пише:

„Я прийшовъ до переконанія, что правдивый спокой совѣсти можу мати лише въ каѳол. Церкви, поза котрою, — якъ справедливо твердять богословы — не есть спасенія“

Противъ неморальної моды. Римскій престолъ воззвавъ духовенство, чтобы напоминало жены на приличное убраня. Дамы не одѣтѣ прилично не мають приступу до церквей, бо симъ соблазняютъ вѣрниковъ.

Змѣнили присудъ въ схизматицкомъ процесѣ въ Русскомъ. Схизматики еще 1922 го. рока забрали церковнѣ маєтки гр. каѳоликовъ въ селѣ Русскомъ и въ одно зъ батюшкою газдовали въ чужомъ майнѣ. Гр. каѳолики заправогили схизматиковъ, але

Мук. окружный судъ бывъ того мнѣнія, что дѣло належить до администрації. Дѣло пойшло на апелляцію и седрія змѣнила присудъ окр. суда и выповѣла, что ограбленя церк. маєтка належить до компетенції цивильного суда. Сед. розпорядла наново розпочати процесъ въ мukачевѣ. Число рѣшення седрія: R 130/28—33. И въ короткій часъ увидять, что „правда побѣдить“ схизм. Нова розправа буде мѣсяця новембра.

Христіянинъ и выборы. „Каждый католикъ-христіянинъ повиненъ участвовать въ выборахъ и має свой голосъ дати по совѣсти. За свое голосованіе буде отповѣдати передъ Богомъ. Выборецъ має голосовати на такого кандидата, который е добрымъ христіяниномъ и добрымъ патріотомъ“ (народовцемъ) (Парижскій кардиналъ Dubois).

Хрис. школа и пресса. На свѣтѣ суть двѣ найбóльшѣ силы: преса (новинарство) и школа. Кто изъ христіянъ католиковъ е супротивъ сихъ ровнодушный, не може назвати христіяниномъ и вѣрнымъ сыномъ Церкви. [У насъ найменше дбають якъ разъ про прессу и школу христіянску!!]

Модерное выхованіе

Кассіеръ: Цѣлу ночь не сплю, бо боюся, что вломлються злодѣи и понесутъ касу.

Жена: Днесъ уже поліція скоро зловитъ злодѣя.

Кассіеръ: Злодѣевъ такъ не боюся, але боюся моихъ двохъ модерно выхованыхъ сыновъ.

Михаилъ Порбенскій изъ Гонковецъ даровавъ на церковъ ОО. Василіянъ въ Ужгородѣ 100 Кч. Щедрого жертвователя Богъ да спасеть и помилуеть.

Выдавництво Чина св. Василія Великого въ Ужгородъ

поручає слѣдуючѣ книжки своєго изданія:

Молитвеникъ для греко-католицкого русскаго народа. Составилъ о. Петро Котовичъ ЧСВВ. стор. 507. Изд. II.

Содержаніе сеѧ книжки: Короткій катехизмъ; Молитвы повседневніи; Молитвы утреніи, Молитвы вечерніи, Молитвы подчасъ Службы Божої, Приготовленіе до св. Сповѣди, Молитвы передъ и по Сповѣди, Молитвы передъ и по св. Причастію, Молитвы до пресв. Сердца Іисусового, Молитвы до Пречистої Дѣви Марії, Молитвы до святыхъ. Чинъ Утрени, Божественная Литургія, Чинъ Вечерни. Акафистъ до І. Христа, Акафистъ до Преч. Дѣвы Марії, Тропари воскресніи и повседневніи, Служба на всякое прошеніе, о усопшихъ, Тропари и Кондаки св. Четыредесятницы, Пятьдесятницы и всѣхъ праздниковъ декретальныхъ. Кроме сего е: Пѣснѣ на Рождество Христово, Пѣснѣ въ честь св. Троицы, Пѣснѣ въ честь Преч. Дѣвы и св. отца Николая, Пѣснь благодарственная, Календарь цѣлого року и Пасхалия.

Въ красномъ полотняномъ переплету 8 Кч., съ почт. засылкою 8·80 Кч.

Да святится Имя Твое. Молитвословъ для молодежи. Стор. 223. Печатаный окремъшно русскими а окремъшно латин. буквами. Содержаніе: Короткій катехизмъ. Молитвы повседневніи, утренніи, вечерніи, подчасъ Службы Божої, передъ и по сповѣди, передъ и по св. Причастію, до Пресв. Сердца Іисуса. до Преч. Дѣвы Маріи и до св. Іосифа; Чинъ Вечерни, Утрени, Божественна Литургія, Тропари и Кондаки воскресніи, на всякое прошеніе и о усопшихъ; Пѣснѣ на Рождество Христово, въ честь Пресв. Троицы, къ Пресв. Дѣву Маріи и въ честь св. Отца Николая.

Справленый коштуе 4 Кч., зъ почтовою засылкою 4·60 Кч.

Молебень къ Святѣйшому Сердцу Іисуса и къ Пр. Дѣву Маріи. Содержить кроме двохъ молебновъ, дасколько пѣсней къ Пресв. Сердцу Іисуса и Преч. Дѣву Маріи и Пѣснь благальну (супликацію). Печатана окремо русскими, а окремо латинскими буквами. Стор. 44. Стоитъ 80 гел., зъ поштою 1 Кч.

Найсвятѣйшое Сердце Спасителя. Коротка наука для членовъ общества Святѣйшаго Сердца Г. Іисуса Христа. Сторонъ 64. Содержаніе: Исторія набожности до Пресв. Сердца Іисуса и ласки, которыя Іисусъ пріобѣцавъ почитателямъ Пресв. Сердца. Повинности для членовъ сего общества. Дасколько молитовъ къ Пресв. Сердцу Іисуса. Молебень къ Пресв. Сердцу Іисуса. Пѣсня благальная (супликація). Золота корунка къ П. С. Іисуса. Дасколько пѣсней къ П. С. Іисуса. Прочто почитаемс П. Сердце Іисуса? Печатана окремо русскою, а окремо латинською азбукою.

Стоитъ 1·50 Кч., съ почтовою засылкою 1·70 Кч.

Популярнѣ катехитичнѣ проповѣди для католицкого народа. Часть I. Про вѣру. Часть II. Про надію и любовь. Кожда часть творить окрему книжку. Темы проповѣдей дуже актуальнѣ.

Чинъ по 20 Кч за одинъ прим., зъ поштою по 21·80 Кч.

Стойте въ пѣрвѣ. Листъ I. Про походженя св. Духа отъ Отца и Сына, стор. 7. Листъ II. Оборона чести П. Дѣвы Маріи, стор. 7. Чинъ обокъ брошуръ разомъ 60 гел., зъ почт. засылкою 80 гел.

„Путь Спасенїи“ (Св. Миссія въ образахъ). Ся прекрасна книга повинна быти въ каждой хижѣ. Въ ней суть науки о майважнѣйшихъ рѣчахъ для спасенія души. Прикрашена около 40 обрамами. Стоитъ лемъ 4 Кч., зъ поштою 4·80 Кч.

Выдавництво Чина св. Василія Великого въ Ужгородѣ

поручає слѣдуючѣ книжки:

Полный Трѣникъ (печатаный въ Жовквѣ). Обнимаетъ 899 стор.

Находятся въ немъ всѣ четыри части: I. Таинства, II. Освященія, III. Благословенія, IV. Моленія на всяку потребу. Двойный друкъ: чорный и червень. Форматъ дуже догочный. Ясный переглядъ, буквы читкѣ, выразнѣ. Оправленій въ полотно 130 Кч, въ кожу 150 Кч, почтовое (поруч.) 5 Кч.

Слѣжба праѣдникѣ Сладчайшаго Г. нашего Іисуса Христѣ-Царя стор. 16. Брошурвана стоитъ 5 Кч, съ почтовою засылкою 5 Кч 60 г.

Слѣжба Свѧщенїйшему Герццу Іисусову сторонъ 20.

Брошурвана стоитъ 13 Кч, съ почтовою засылкою 13 Кч 60 г.

Оутреня й Кечерна ч. I. Содержаніе: Служба всѣхъ праздниковъ подвижныхъ; Служба Октоиха въ недѣлю; Служба обща Святыхъ; Евангелія воскресніи и Стихиры Евангельски; Пѣснь умилительна; Пасхалія и Мѣсяцословъ. — Книжка переплетена въ полотно.

Стоитъ 50 Кч, въ лѣпшой оправѣ 60 Кч, зъ почтою 64 Кч.

Оутреня й Кечерна ч. II. Содержаніе: Служба всѣхъ праздниковъ неподвижныхъ съ Пред- и Попраздненствами въ недѣлю; Служба Октоиха въ недѣлю; Евангелія воскр., и Стихиры Еванг. Пѣснь умилительна; Пасхалія и Мѣсяцословъ. Книжка переплетена въ полотно.

Стоитъ 60 Кч, въ лѣпшой оправѣ 70 Кч, зъ почтою 74 Кч.

Чинъ Тайны Крещенїя й Миропомазанїя. Цѣна 5, зъ почт. 5·60 Кч.

Чинъ Гайны Свѣржества. Стоитъ 5 Кч, зъ почт. засыл. 5·60 Кч.

Чинъ Тайны Елеопомазанїя. Стоитъ 5 Кч, зъ почтою 5·40 Кч.

Чинъ Парастиаса й погребенїя мірскихъ человѣкъ. Ц. 10 зъ п. 10·80 Кч.

„Часослобъ“ (Ерейскій молитвословъ) перепл. въ полотно 50 Кч, перепл. въ кожу съ золоч. обрѣзомъ 80 Кч, почтовое (поруч.) 5 Кч.

Псалтирь (безъ величаній). Ст. 296. въ полотн. оправѣ. Ц. 22, зъ почт. 23 Кч.

„Іакоїстникъ“. Стоитъ 27 Кч., зъ почтою Кч. 28·30.

У Стіп Учителя мѣстить 204 читань для священниковъ, стор. 380.

Стоитъ 20 Кч, съ почтовою засылкою 21 Кч 20 г.

Кровава Незабудька або Хресна дорога Спасителя мѣстить читаня и молитви о Страстяхъ Христовыхъ. Стоитъ 6·50 Кч, зъ почтою 7·30 Кч.

Церковні Пісни (зъ нотами), мѣстить 301 пѣсень. Ц. 22 зъ почт. 23·20 Кч.

Катехизм Шпираго ч. I., II. и III. Въ I. части широко выложена наука св. каѳ. вѣры, въ II. говориться про науку обычавъ, а въ III. выложена наука про Средства ласки. Книжки брошурваны, кожда окремо. Цѣна их така:

Ч. I. и II. стоять по 25 Кч, съ почт. по 28 Кч. Ч. III. 22 Кч, съ почт. 24·50 Кч.

Хвалите Господа. Молитвеничокъ для интелигенції, печатаный фонетикою на 2 фарбы, маленького формату 6×10 . Цѣна 13, зъ почт. 13·50 Кч.

Коляди (зъ нотами). Содержить 80 колядъ. Цѣна 14, зъ почт. 14·80 Кч.

Коляди (безъ нотъ). Содержить 52 колядъ. Цѣна 3·60, зъ почт. 4 Кч.

Через мечі до житя. Повѣсть. Цѣна 15·— Кч, зъ почтою 16·20 Кч.

Проповіди на Великій пост. Цѣна 6·— Кч, зъ почтою 6·50 Кч.

Біблія Старого Завіта ч. I. и II. (двѣ книжки). Цѣна одної книжки 20 Кч, зъ почтою 23 Кч.

Божествений Спаситель. Нарисъ житя Іисуса Христа въ народ. мовѣ.

Цѣна 25 Кч, зъ почтою 28 Кч.

Житя св. свящмч. Іосафата архіеп. Полоцкого. (309 сторонъ)

Стоитъ 10·— Кч, зъ почтовою засылкою 10·80 Кч.

Брошурка „У стіп Учителя“ и всѣ іншѣ, оддѣлекъ одь богослужебныхъ книжъ линейкою, печатанъ въ галицкомъ языць (фонешикою).